

1890-ԱԿԱՆ ԹՎԱԿԱՆՆԵՐԻ ԱՐԵՎՄՏԱՀԱՅՆԵՐԻ ԶԱՐԴԵՐԻ ԵՎ
ԻՆՔՆԱՊԱՇՏՊԱՆԱԿԱՆ ՄԱՐՏԵՐԻ ՊԱՏՄՈՒԹՅՈՒՆՆԵՐ

Կ. Զ. ԹԱՌՈՅԱՆ

XIX դ. 90-ական թվականները հայ ժողովրդի արևմտյան հատվածի պատմության ամենաողբերգական և միաժամանակ ամենահերոսական էջերից են: Այդ տարիներին Օսմանյան Թուրքիայում մշակվել և իրագործվում էր արեւմտական մակարդակով կազմակերպված շարագործությունը՝ արևմտահայության ֆիզիկական բնաջնջումը:

Մինչ այդ ողջ կայսրության մեջ ցրված հայկական տարրը հաջողությամբ ծառայեցվում էր Թուրքիայի տնտեսական և կոստուրական զարգացմանը, առևտրի ծավալմանը: Հայ գործարար մարդկանց ծառայությունից չզրկվելու և հայկական հուզումների դեմն առնելու համար դեռ 1860-ական թվականների սկզբներին սուլթանը ստիպված էր դիմել որոշ զիջումների, հայերին խրախուսել տալով ունենալու իրենց ազգային վլանքը տնօրինող կանոնադրությունը (այսպես կոչված Ազգային սահմանադրությունը) և հիմնականները, որոնք քաղաքական ինքնավարության պատրանք էին ստեղծում: Իսկ ինչ վերաբերում է հայերի տնտեսական հարստահարման առաջացին ճնշման գոնե մեղմացմանը և Թուրքիայից անկախ կամ նրա կազմում տարածքային ինքնավարություն ունենալու նրանց ձգտմանը, ապա դա հանդիպում էր Թուրքական իշխանությունների կատաղի դիմադրությանը՝ հանգեցնելով մասնավոր ու զանգվածային կոտորածների, որոնց հետևանքով Արևմտյան Հայաստանը հայազրկվում էր և Հայկական հարցը Թուրքական ձեռքում:

1890-ական թվականների սկզբին սուլթանական կառավարությունը հայերի զանգվածային ջարդը հռչակում է որպես պետական քաղաքականություն: Այն վրականացնելու համար ստեղծվում են քրդական զորամիավորումներ, այսպես կոչված համիդի հեծյալ զնդեր. դրանց, կանոնավոր բանակի, ռազմականության և Թուրք ու քուրդ խուժանի միջոցով, ինչպես Արևմտյան Հայաստանում, այնպես էլ Թուրքիայի հայաբնակ վայրերում կազմակերպվում են հայկական ջարդեր:

Պաշտպանիկայի և պաշտպանության ոգուն համապատասխան, սուլթանը և Բարձրագույն դուռն ամենից առաջ հայերին զրկում էին երկրի օրենքների պաշտպանությունից: Ոճիրների ու կեղեքումների դեմ հայերի դիմադրության ամենաթույլ փորձն անգամ դիտվում էր ոչ թե մարդկային տարրական իրավունքների, արժանապատվության պաշտպանություն, այլ մահադատականության և սուլթանի հանդեպ անհավատարմության ու թշնամանքի դրսևորում:

1895 թ. սեպտեմբերին Կ. Պոլսում խաղաղ զույգի նկատ հայերի դեմ սուլթանական կառավարությունը հանում է կանոնավոր բանակի զորամասերը, ռազմականությանը, զինված մահադատական հրետանիներին և նրանց միջոցով հաշվեհարդար տեսնում անմեղ մարդկանց հետ: Մի քանի օրում զոհվում են հազարավոր անմեղ հայեր:

Հայերի աղբյուրի առնչությամբ մեծ տերությունները սահմանափակվում են Թուրքական կառավարության դեմ շատ թույլ բողոքներ հայտնելով: Սուլթանը և նրա կառավարությունը համոզվում են, որ հայերի հետ վարող եզրվալիս իրենց ցանկացած ձեռքով առանց մեծ տերությունների ճնշմանը ենթարկվելու: Այնպես որ Թուրքիայի մայրաքաղաքում հայերի զանգվա-

ծաղին ցարդի առաջին, կարծեք հետախուզական քայլն ընդունվում է իբրև միակ և դյուրին միջոց՝ նրանց բնաջնջելու համար:

1895 թ. պետական խորհրդի նիստերից մեկում սուլթան Աբդուլ Համիդը պահանջում է մկսել հայերի զանգվածային կոտորածը: Երբ պալատականներից մեկը խոսք է բացում այդ հարցում եվրոպական պետությունների ու մամուլի վերաբերմունքի մասին, սուլթանը նկատում է. «Եվրոպան... ամբողջ 19-րդ դարում ատամները թափած պառավի նման մշտապես փրկվում էր նույն քաշվում: Իսկ ինչ վերաբերում է եվրոպական մամուլին, ապա այդ մասին պետք չէ հոգալ, ամի բոլոր ոսկով կարելի է ամենամեծ ժողովրդավար բերանը փակել»¹: Այնուհետև, սուլթանը Շաքիր փաշայի դեկլարացիայի մասին հարցնում է հատուկ հանձնաժողով և գործողում հարկական վիճակներ, իբր խոստացած բարենորոգումներն իրականացնելու համար նման հանձնաժողովներ էին կազմվել նաև տեղերում՝ էրզրումում, Վանում, Բիթլիսում և այլուր: Իրականում բարենորոգումների հարցը միայն ցուցանակ էր այդ հանձնաժողովների համար: Նրանց հիմնական դերն ու խնդիրն էր տեղական պայմաններին համապատասխան նախապատրաստել ու իրականացնել հարկական ջարդերը:

Վիլայեթներում բարենորոգումների անցկացումը նախապատրաստելու, բայց իրականում հարկական ջարդեր կազմակերպելու համար Շաքիր փաշան ուղևորվում է նախ Տրապիզոն, ապա Բաբերդ, Կարին, Բայազետ, ամենուրեք հանդիպելով հայերի սառն ընդունելությանը: Փաշան Բայազետից վերադառնում է Կարին, հրաժարվելով Վան, Մուշ, Բիթլիս այցելելուց²:

Հայերի առաջին զանգվածային ջարդը կազմակերպվում է Տրապիզոնում, ուր 1895 թ. սեպտեմբերի 20-ին մահափորձ էր կատարվել պաշտոնից հեռացված Վանի վիլայեթի վալիի՝ հայտայաց Պահրի փաշայի դեմ³, որը վերադառնում էր Կ. Պոլիս: Այս անհաջող մահափորձը ջարդերի առիթ է դառնում: Սեպտեմբերի 26-ին առավոտյան ժամը 10-ին⁴, մոտավորապես զինված հրոսակախմբերը ոստիկանության հետ միասին, հարձակվում են Տրապիզոնի անդեն հայերի վրա և սկսում կոտորածը: Ջարդը ստակալի էր քաղաքի հրապարակում, ուր սբախողխող են արվում մոտ 70 ամենից հայեր⁵: Թուրք հրոսակները սպանությունները կատարում էին ամենադաժան ձևերով, որոնք վեր էին ամեն մի պատկերացումից: Դանիացի նշանավոր գրականագետ Գ. Բրանդենը «Հայաստանը և եվրոպան» գրքում օրինակ է բերում, թե վնդպես Տրապիզոնում կոտորածի առաջին օրը մի հայի, որ խանութից հաց էր տանում տուն, թուրքերը բռնում են, սկզբում փորում են մի ձեռքը, ապա՝ մյուսը և ստիպում, որ խաչ հանի: Դրանից հետո կտրում են ակաջը, ապա չեզոք, դաշույնի ծայրով հանում են աչքերը, հետո կտրատում ոտքերը⁶:

Ջարդերի ընթացքում ավերում ու կոտորում են հայերի տներն ու խանութները: Նույն բախտին են արժանանում նաև Տրապիզոնի շրջակա հայաբնակ գյուղերը և դրանց բնակչությունը: Ջարդերից ազատվածները մատնվում են ծանր ու թշվառ վիճակի:

1895 թ. սեպտեմբերի վերջերին սուլթան Համիդը իր անձնական քառատուղար Սյուրեյյա փաշային հանձնարարում է ջարդերի վերաբերյալ հրահանգ ուղարկել Երզնկա՝ շորտորդ գորաբանակի հրամանատարին: Սյուրեյյա փաշան այդ մասին մանրամասն հայտնում է պալատի գլխավոր բժիշկ Տիգ-

¹ Երկրի ձայն, 1907, հ. 7—19, էջ 11:

² Կարնո հիշատակին: Կոտորածից առաջ: Կարնո կոտորածը, Վիեննա, 1896, էջ 9:

³ Архив внешней политики России (далее АВПР), ф. Политархив, д. 3433, л. 2—4.

⁴ Նույն տեղում, ֆ. «Канцелярия», ց. 470, գ. 26, հ. II, р. 629:

⁵ Հայաստանի Հանրապետության պետական կենտրոնական պատմական արխիվ (այսուհետև՝ ՀՀ ՊԿՊԱ), ֆ. 56, գ. 208, թ. 2, ց. 5, գ. 55, թ. 12:

⁶ Գ. Բրանդեն, Հայաստանը և եվրոպան, Ժնև, 1907, էջ 5:

րան Փեշտիմալճյանին, որը, իր հերթին, տեղեկացնում է Կ. Պոլսի Կոնստանդնուպոլսի ղեկավարներին: Այդ անգաղտնապահության համար Սյուրբյա փաշան դաժանորեն պատժվում է՝ նախ ապտակ է ստանում սուլթանից, հետո էլ իր տանը «հանկարծամահ» լինում: Մի քանի օր հետո գտնվում է նաև Տ. Փեշտիմալճյանի դիակը: Նրան թունավորել էին⁷:

Սուլթանի գաղտնի վարդապետության հիման վրա, հոկտեմբերի 9-ին, թուրք զինվորները և քուրդ համիդիները հարձակվում են Ծղզնկայի շուկայում գտնվող անգին հայերի վրա ու կոտորում նրանց⁸: Հաջի է նշել, որ կոտորածից երկու շաբաթ առաջ հայերը լսել էին, որ կենտրոնական իշխանության թողտվության մեջ թուրք հրոսակները և քուրդ համիդիները պատրաստվում են հարձակվելու իրենց վրա: Այդ մասին նրանք տեղյակ էին պահել զորքի հրամանատարին և պաշտպանություն խնդրել: Հրամանատարը խոստացել էր կանխել, բայց կոտորածի ժամանակ զինվորները ոչ միայն չէին ցանկանում դադարեցնել արյունահեղությունը, այլ իրենք էին ոչնչացնում այն հայերին, որոնք ինքնապաշտպանության փորձ էին անում: Մոտ 1500 զինված հրոսակներ ավերում ու թալանում են հայերի խանութները, կրպակները, արհեստանոցները, արախոդիսող անոթ մաղդկանց⁹: Կոտորածը տևում է 6 ժամ: Սպանվում են ավելի քան 100, վիրավորվում մոտ 500 մարդ¹⁰: Ավերվում են ու կրակի մատնվում Ծղզնկայի վաղաքի համարյա բոլոր հայաբնակ գյուղերը¹¹: Քաղաքից մոտ 3 կմ հեռավորության վրա գտնվող Բզումա գյուղի հայերը ջարդից փրկվելու նպատակով ապաստանում են եկեղեցում, սակայն թուրքերը մտնում են այնտեղ և բոլորին կոտորում: Թալանվում ու հրդեհվում է 120 տնտեսություն ունեցող Մթնի գյուղը, ողջակիզվում 20-ից ավելի ևրին ու տղամարդ¹²: Տակնոսվրա են արվում Մեղացիկ, Ագարակ, Բթառիճ, Շիլի, Էրկան, Տաճարակ, Խնձորիկ, Գարաթալու, Կիլիկի, Դարաթիլիս գյուղերը: Վերին և ներքին Զիֆթիկ, Փալանկա, Կյուլեցիկ և այլ գյուղերի բնակիչներն ապաստանում են լեռներում: Հոկտեմբերի 25-ին Գարաշայ վաղաքի Արմուտան-Քեփի և Արմուտան-Սալի գյուղերի վրա հարձակվում են այլ վայրերից այստեղ եկած հազարից ավելի զինված հրոսակներ: Հոկտեմբերի 14-ին թուրք խուժանը, կանոնավոր բանակի զորաջոկատներն ու ոստիկանությունն ավերում են Բաբերդը և բնաջնջում բնակիչներին: Լինում է նաև հերոսական դիմադրություն: Բաբերդի կաղայի Միզուցիկ գյուղի երիտասարդությունը գինվում և կազմակերպում է գյուղի պաշտպանությունը: Թշնամին երեք անգամ հետ է մղվում, բայց համարում է ստանում: Անհավասար պայքարում հայերը պարտվում են, լիակ գյուղը ավերվում ու թալանվում է¹³:

1895 թ. սեպտեմբերի 27-ին Իզմիթի սանջակի Կեյսեի վաղաքի Ահի-սար նահիի կենտրոնի շուկայում հավաքված մեծ թվով անգին հայերի վրա հանկարծակի հարձակվում են զինված թուրք հրոսակները և քուրդ համիդիները, սպանում 33 մարդ, կողտպտում նրանց տղաման ու ապրանքը: Հոկտեմբերի 8-ին և 20-ին կանոնավոր բանակի զինվորներն ու համիդիներն ապատակում են Կյարլե գյուղը¹⁴:

7 Լ. Չորմիսյան, Համապատկեր արևմտահայոց մեկ դարու պատմության, Բեյրութ, 1947, էջ 438:

8 ՀՀ ՊԿՊԱ, ֆ. 56, գ. 208, թ. 2, նաև ց. 5, գ. 152, թ. 4, 5:

9 Նույն տեղում:

10 ՀՀ Մշակույթի նախարարության Ե. Չարենցի անվան գրականության և արվեստի թանգարանի արխիվ (այսուհետև՝ ԳԱԹ), ֆ. Առաքելյան Հ. (14), հ. 165—169, թ. 3—5:

11 ՀՀ ՊԿՊԱ, ֆ. 56, ց. 5, գ. 72, թ. 26—27:

12 Նույն տեղում, գ. 55, թ. 114—115, նաև գ. 72, թ. 26—27, ԳԱԹ, ֆ. Առաքելյան Հ. (14), հ. 165—169, թ. 3—5, 9, 13:

13 Նույն տեղում:

14 Նույն տեղում, ց. 5, գ. 55, թ. 115:

Կարինում հայերի ջարդը կազմակերպում է անձամբ Շաքիր փաշան: Հոկտեմբերի 18-ին, երբ հայերը սովորականի պես զբաղված էին իրենց առօրյա խաղաղ աշխատանքով, անիշնաբերդից տրվում է վոտորածի ազդանշանը՝ հնչում են զինվորական փողերը: Մզկաթներից դուրս են թափվում սուլե-ռանդ հրոսակները և կացիններով ու դաշույններով զինված հարձակվուս անւեն հայերի վրա ու վոտորում նրանց¹⁵: Հրոսակներին օգնում էին զինվոր-ները, որոնք նպաստավոր դիրքեր բռնած գնդակոծում էին հայերին: Մոտ 300 զինվորներ ու 2000 հրոսակներ անկելի քան տաս ժամ կոտորում էին ան-զեն հայերին, կողոպտում նրանց ունեցվածքը, հրդեհում բնակարանները: Հոգների թիվը հասել էր 570-ի¹⁶: Քաղաքում հայերի վոտորածը կրկնվում է նոյեմբերի 13-ին: Արվում, թալանվում են 710 պահեստ ու խանութ, 400 տուն: Քաղաքում հայերի նյութական կորուստը, ինչպես նշվում է աղբյուր-ներում, կազմում էր ավելի քան կես միլիոն օսմանյան լիրա¹⁷: Էրզրումի վիլայեթի Բասենի կաղաթի 15 հայաբնակ գյուղերում ավերվում է 785 տուն, կոտորվում 129 մարդ և ալլն¹⁸:

1895 թ. հոկտեմբերի 18-ի Կարինի կոտորածի ժամանակ թուրք ջարդարանների դեմ հերոսաբար էին մարտնչում մասնագիտությամբ զինագործ-ներ՝ Հովհաննես Կոթկոտյանը և Ավետիք (Տեր-Գարեգին) Վեմյանը (Ղայա-յան), որոնք ընկնում են անհաղասար մարտում¹⁹:

Այդ ամիսներին լարված ու ծանր վիճակի մեջ էր Մուշ քաղաքի և նրա մերձակա շրջանների հայ բնակչությունը: Անընդհատ տեղի էին ունենում ընդհարումներ ու հայերի ունեցվածքի կողոպտում: Հոկտեմբերի 26-ին ճե-պանցի քուրդ աշիրեթի աղաներից Այու բեկի հրոսակները 34 հեծյալ և հե-տևակ զինվորների հետ հարձակվում են Մուշի դաշտի Զիարեթ գյուղի վրա, հափշտակում են 1035 գլուխ անասն, 221 գլուխ խոշոր եղջերավոր անասուն, սպանում բազմաթիվ անմեղ մարդկանց²⁰: Նույն ամսի 27-ին 100 քուրդ հա-միդիները հարձակվում են խեյրան գյուղի վրա և թալանում հայերի ունեց-վածքը: Հոկտեմբերի 29-ի գիշերը մոտ 50 համիդիներ հարձակվում են Շեխ-լան գյուղի վրա, սակայն հարևան Մեյդան քրդական գյուղի բնակիչներն օգնությամբ հասնելով հետ են մղում հրոսակներին²¹: Ավելիում ու թալանվում են Սասունի իկանը և իսկյա գավառների Ընձքար, Մարդոն, Ահարոնք, Շու-զեք, Կուսգետ, Հորանք, Փառքա, Սաղտուն, Հեղին, Ընկուզնակ, Արակունք, Իշխանձոր, Բեքա և այլ գյուղեր²²:

Չնայած նյութական մեծ վնասներին, Սասունում, այնուամենայնիվ, ջարդեր քիչ եղան: Պատճառը, ըստ էության, մեծ տերությունների ուղղորդ-թյունից խուսափելու ձգտումն էր և, զրիսավորապես, այն, որ այդ հարցում քրդերը հիմնականում հրաժարվում էին գործակցել թուրքական իշխանու-թյունների հետ, որովհետև 1894 թ. կոիվներից հետո նրանք հասախար էին եղել իրենց ակնկալությունների մեջ:

Ավելի ծանր կացությամբ մեջ էին Բիթլիսի վիլայեթի Սղերդի սանջակի հայաբնակ գյուղերը, որոնք ավերվում են թուրք զինվորների ու քուրդ հրո-սակների ձեռքով: Սանջակի ամեն մի հայաբնակ գյուղում զոհերի թիվը, միջին հաշվով, հասնում էր 100 մարդու: Թալանվում է հայերի ունեցվածքը: Ավարի բաժանման ժամանակ հրոսակների միջև արյունալի պոխներ էին ծագում: Այդ բանից խուսափելու համար ավարի բաժանումը հրոսակները

¹⁵ Նույն տեղում:

¹⁶ Նույն տեղում, Թ. 112—113, գ. 77, Թ. 1—5:

¹⁷ Նույն տեղում:

¹⁸ Նույն տեղում, Թ. 113—114, գ. 77, Թ. 1—5:

¹⁹ Կարեն Դեղատակին..., էջ 59—60:

²⁰ ՀՀ ՊԿԱ, ֆ. 56, ց. 5, գ. 70, Թ. 5—8:

²¹ Նույն տեղում:

²² Նույն տեղում, Թ. 5—8:

սկսում են կատարել վիճակահանության միջոցով²³։ Սանդակում ջարդերն ընդմիջումներով շարունակվում են մինչև 1897 թ. սկզբները։ Վիլայեթում ապերկում է 102 հայաբնակ գյուղ²⁴։ Սարսափերի վիճակի է մատնվում վիլայեթի կենտրոն Բիթլիս քաղաքը։ 1895 թ. հոկտեմբերի 14-ին քաղաքում տեղի է ունենում կոտորածը՝ զոհերի թիվը 1000-ից անցնում էր։ Բիթլիս վաճառահաճ քաղաքը փերածվում է կատարյալ ավերակների։ Ավաղակաբարո շեյխ Սաիդ Ալիի հրոսակների ու թուրք զինվորների ձեռքով ավարի ու ավերման են ենթարկվում շրջակա Դադիկ, Խիզան, Շիմիձոր, Լաթվան գյուղերը, կոտորվում հարյուրավոր բնակիչներ²⁵։

Թուրք ու քուրդ ջարդարարների դեմ չավ էին նախապատրաստվել ինուսի և Բուլանդիլի շրջանների հայերը։ Այստեղ վազմակերպվել էին ինքնապաշտպանական հարթակային խմբեր, որոնց հայտնի ղեկավարներից էր հավասարակշռված ու աննկուն Արմենակ Ղազարյանը (Հրայր)։

1890-ական թվականներին գործող ինքնապաշտպանական հայդուկային խմբերից առանձնապես աչքի էր ընկնում Ախլաթի շրջանի Սոխուրդ գյուղի բնակիչ Սերոբ Վարդանյանի (Աղբյուր Սերոբ) խումբը։ 1895 թ. աշնանը Ախլաթի շրջանում խումբը պաշտպանում էր ավելի քան 35 հայաբնակ գյուղ։ Այդ պաշտպանության հետևանքով վերջիններս միայն նյութական կորուստներ են ունենում։ Սերոբի խմբի 27 անդամները ցրված էին հայաբնակ գյուղերում և կազմակերպում էին գյուղացիների ինքնապաշտպանությունը, հաջողությամբ հետ մղում հրոսակների ու ոստիկանության գրոհները։ Սերոբը բոլորի համար գաղնում է տիրված հերոս։

Թուրքական կառավարությունը Սերոբի հայդուկային խմբի դեմ մեծ ուժ է հանում։ 1897 թ. արդ ուժերը պաշարում են Սոխուրդ գյուղը, ուր գտնվում էր Սերոբը։ Վերջինիս հաջողվում է դուրս գալ պաշարումից և ապաստանել լեռներում։

1897 թ. վերջերին Սերոբն իր խմբով անցնում է Սասուն, որտեղ վտառվել էին մեծ թվով հայդուկային զինված խմբեր, և ստանձնում նրանց բոլորի ղեկավարությունը։

1899 թ. վերջերին, երբ համառ ու արյունալից կռիվներից հետո Սերոբն իր խմբով գտնվում էր Գեյրիգազան գյուղում, Բիթլիսի վալին այնտեղ է ուղարկում Ալայ բեյի հրամանատարությամբ գործող կանոնավոր բանակի մի մեծ ջոկատ, որը քուրդ ցեղապետ Խալիլի գլխավորած 2000 զինված բանդիտների հետ փշերով պաշարում է գյուղը և չույսը բացվելուն պես հարձակման անցնում։ Սերոբը իր լնկերների ու մերձավորների հետ ծանր մղվում էր մղելով, բարձրանում է Անգուկ լեռը։ Թուրք-քրդական ուժերը շրջապատում են Սերոբի խմբին։ Անհավասար կռիվում հերոսաբար ընկնում են Սերոբը, նրա եղբայրներ Մխոն ու Զաքարը, փոքրահասակ որդին՝ Հակոբը և մյուս ընկերները։ Սերոբի կինը՝ Սոսեն, միտնվում վիճակում գերի է վերցվում²⁶։

Սերոբի մահից հետո հայդուկային զինված խմբերն Անդոանիի Օղանյանի ղեկավարությամբ շարունակում են ծանր մարտեր մղել՝ արևմտահայերի կյանքը և գույքը պաշտպանելու համար։

Խ. ուսի և Բուլանդիլի գավառներում հայդուկային խմբերի ակտիվ գործողությունների հետևանքով ջարդեր համարյա չեղան։

1890-ական թվականների ջարդերի ժամանակ ծանր կորուստների ունեցան Վանի վիլայեթի հայերը։ Ալջավազ, Արճեշ, Գեալ և այլ կազանների ու Վանի շրջակայքի գյուղերի բնակիչներն անհավասար ու ծանր մարտերից հետո մասամբ կոտորվում են, թաղանվում է նրանց ունեցվածքը։ Ինչ վերա-

²³ Նույն տեղում, գ. 72, թ. 8—10։

²⁴ Геноцид армян в Османской империи. Ереван, 1966, с. 97.

²⁵ ՀՀ ՊԿԱ, ֆ. 56, գ. 72, թ. 9—10։

²⁶ Մարտ, 1900, № 21։

բերում է Վան քաղաքին, ապա 1896 թ. հունիսի ինքնապաշտպանությունը հերոսական ու անզիջում պայքարի մի պայծառ օրինակ է հայ ժողովրդի ազատագրական պայքարի բազմադարյան պատմության մեջ:

Ինքնապաշտպանության ճնշումից հետո 1896 թ. հունիսի 10—11-ին թուրքական զորքերն ավարի ու ալվերման են ենթարկում քաղաքի հայկական թաղերը: Այսպիսով ու ավերակների է վերածվում ավերի քան 3000 տուն, զոհվում 1000-ից ավելի հայ²⁷:

Վանի ավերակներում (քաղաքը չհաշված) կոտորվում է 20000-ից ավելի հայ: Կոտորածը մեծ չափերի էր հասել Արմենիում, ուր Հաջի Թիմուր և էմին ցեղապետները ցորենի հորերի մեջ ողջ-ողջ թաղում էին զինաթափված, պաշտպանության միջոցներից զրկված հարյուրավոր հայերի: Քյոռ Հյուսեյին փաշան առերես ցույց տալով, թե պաշտպանում է հայերին, զամբում էր նրանց հողերն ու ունեցվածքը: Նույն փաշան հեռավոր վայրերում ակտիվորեն մասնակցում էր հայերի ջարդին: Այս բոլորին ավելանում են սովն ու համաճարակը: 1896 թ. օգոստոսի 14—17-ը մեծ կոտորած է տեղի ունենում նաև Կ. Պոլսում, որտեղ կոտորվում է մոտ 10.000 հայ, երկրի ներքին գաղառներ է աքսորվում 16.000-ից ավելի մարդ, որոնց մեծ մասը ոչնչացվում է:

Ձանգվածային ջարդերը մեծ չափերի են հասնում Սևաղի վիլայեթի հայաբնակ գյուղերում ու քաղաքներում: Թուրքական հրոսակները, կանոնավոր բանակի զինվորների ու ոստիկանության հետ համագործակցած 1895 թ. հոկտեմբերի 31-ին շտկայում սրախողխող են անում հարյուրավոր հայերի, թալանում նրանց խանութները, կրպակները և արհեստանոցները: Նոյեմբերի 2-ին հրոսակախմբերը հարձակվում են քաղաքի հայաբնակ թաղերի վրա և ամեն ինչ ավերելով սրի են քաշում բնակչությանը: Տակոտվրա են արվում վիլայեթի Սուլեյմի, Տիվրիկ, Թամզարա, Չմարա, Քերգեյուրտ, Քյուտակ, Քեսմե ավանները և դրանց հարակից 50—60 հայաբնակ գյուղեր²⁸:

Հերոսական էր Շապին-Գարահիսարի ինքնապաշտպանությունը, որի ընթացքում անօրինակ սխրագործություններ է կատարում Դանիել Չավուշի հայդուկային խումբը: Արյունալի լուրջներ են մղվում Բյուրք գյուղի պաշտպանության ժամանակ: Զորսօրյա կռիվից հետո, երբ կռիվը ուժերը զգալիորեն նվազել էին, զինամթերքը սպառվել, խումբը քաշվում է լեռները, ապա անցնում է Փորուք սերեքի կռիվող հունաբնակ շրջանը: Բայց թուրքական զորքը կրկնակուս հետապնդում էր նրան: 1895 թ. նոյեմբերի վերջերին հայ հայդուկները պաշարվում են Ալպայի կռիված վայրում: Տեղի է ունենում անհավասար ու արյունալի մարտ: Մարտում ընկնում են շատ քաջարի հայդուկներ, նրանց թվում նաև Դանիել Չավուշը:

Պաշարը շարունակում է Ղուկաս Աղբարը: Բայց 1896 թ. նրան իր տանը ձերբակալում են և նետում Շապին-Գարահիսարի բանտը, հետո տեղափոխում Սևաղ, որտեղ դատապարտում են ցմահ բանտարկության: Ղուկաս Աղբարը Սևաղի բանտում մնում է մինչև 1908 թ.:

Ջարդից չի խուսափում Դիարբեքիլը: 1895 թ. նոյեմբերի 1-ին քաղաքի մոլլաներից մեկը՝ Աբբասը, մզկիթում իր քարոզը վերջացնում է հետևյալ խոսքերով. «Քանի որ վյավուրները թոթափել կռագեն փրենց լուծը... մեր ղուրանի օրենքով և կարեւր հրամանով ամեն իսլամ պետք է 25 անհավատ ջարդե և տիրանա անոնց ինչքերուն և կիներուն»²⁹: Նույն օրը թուրք ու քուրդ հրոսակները ոստիկանների հետ քաղաքի շտկայում թալանում ու քարուքանդ են անում հայերին պատկանող խանութները և արհեստանոցները: Արհեստեւ նրանք սրտհամ են քաղաքի հայաբնակ թաղերի վրա և անխնա կոտորում բնակիչներին: Միայն մի տան մեջ կոտորվում է 80 մարդ: Հայա-

²⁷ ՀՀ ԳԿԱ, ֆ. 56, ց. 5, գ. 184, ք. 48:

²⁸ Նույն տեղում, ք. 19, նաև գ. 72, ք. 1—2:

²⁹ Արմենիա, 12. I. 1896:

բնակ թաղերի վրա հարձակումը վերկնվում է մի քանի օր հետո: Այս անգամ հրդեհվում են հայերի բնակարանները, թալանվում նրանց վերջին ունեցվածքը: Այնուհետև, հրոսակներն ու ոստիկանները շարժվում են հայաբնակ գյուղերի վրա: Քուրդ ջարդարար Ալոյե Քաչալը մոտ 500 հրոսակով հարձակվում է հայաբնակ Կըթըրպըլ գյուղի վրա և տակնուվրա անում արև³⁰: Միայն Տիգրանաթևերտի դաշտում ավերվում է 119 հայաբնակ գյուղ³¹, Գյուղերում ջարդն ու թալանը շարունակվում են 20 օր: Ջարդից հետո իշխանուկթունները հայերից բռնուկթյամբ խլում են զենքերը, կատարում ձերբակալություններ: Ոչ լրիվ տվյալներով քաղաքում կոտորվում է 2000 և վերապորկվում 15000 հայ, թալանվում ու հրդեհվում են բնակարաններ, խանութներ, կերպակներ, արհեստանոցներ: հայերը կորցնում են իրենց ունեցվածքի 95 % -ը, մոտ 10 միլիոն թուրքական ոսկի, աչլվում ու ավերակների են վերածվում համարյա բոլոր եկեղեցիները և վանքերը: Դիարբեքիլի վիլայեթում նահատակված հայերի թիվը հասնում էր 25000-ի³²:

Խարբեքիլի վիլայեթում ջարդերը տկավում են գյուղերից: Հյուսիսից գյուղի ջարդը տկավում է հոկտեմբերի 31-ին: Պաշտպանության միջոցներից դրված զգալի թվով հայեր ջարդից խուսափելու համար հեռանում են լեռները, շատերն էլ մահմեդական դառնալու ցանկություն հայտնելով՝ ապաստանում են մզկիթում և իրենց հարևան թուրքերի բնակարաններում: Հոկտեմբերի 31-ին գյուղում զոհերի թիվը հասնում էր 120-ի: Թուլու (Թլկատին) գյուղում ջարդ կազմակերպելու համար բերվել էին մեծ թվով զինվորներ և ավելի քան 1500 զինված հրոսակներ: Հայերը տեղյակ էին այդ ուժերի կուտակման մասին: Վտանգը կանխելու համար նրանք դիմում են ինքնապաշտպանության, բայց զենք ձեռք բերել չեն կարողանում: Թուրք և քուրդ խուժանը զինվորների հետ անցնում է հարձակման, թալանում ու կոտորի մատնում հայ գյուղացիների տները և ունեցվածքը: Մարդկային զոհեր և նյութական դժգոյի կորուստներ են ունենում Բաղմաղեն, Քեփրիկ, Խուլագուղ և ուրիշ շատ գյուղեր: Այդ ավարառությունների ու ջարդերի մասին խարբեքիլի հայոց առաջնորդ Պետրոս վարդապետ Բագրատունին 1895 թ. նոյեմբերի 9-ին Կ. Պոլսի հայոց պատրիարքին գրում է. «Վիճակիս Ուլ-Օվալի և Գաղ-Օվալի ընդարձակ դաշտերու վրա շինված 53 հայ գյուղերը հիմնովին ավերվեցին, բնակչության ամբողջ ստացվածքը կողոպտվեց, եկեղեցիները քանդվեցին, շատ ամառիկ նահատակվեցին, կենդանի մնացածները գզալի մասը մահմեդականություն ընդունեց, հազարավորները մերկ ու սոված թափառական դարձան: Արշավանքը հասավ մինչև Խարբեք, պաշարվեց ս. Հակոբ թաղը, ուր միայն հայեր էին բնակվում: Այդ թաղը յուրաքանչյուր և մյուս թաղերում հայերի տներն ու ունեցվածքը ավարի ենթարկվեցին ու այրվեցին»³³:

Նյութական և մարդկային մեծ կորուստներ են ունենում Ակնի հայերը: 1896 թ. սեպտեմբերի 3-ին տկավում է Ակնի կոտորածը: Թուրքերը հարձակվում են քաղաքի «Վերին» կոչված թաղի վրա և հրդեհում հայերի տները: Սկսվում է ընդհանուր խուճապ. շատերն աչլվում են բոցերի մեջ, իսկ Կրալից մի կերպ ազատվածներին զինվորները գնդակահարում են: Նույնը կատարվում է նաև Կիճք, Բինկյան, Կասմա, Կամարակապ և այլ գյուղերում: Ձոհերի թիվը 3000-ից անցնում էր:

Հայերի ջարդը մեծ ծավալ է ընդունում Արարիկիում: Նահապետ յայտել բերված քուրդ հրոսակների ու կանոնավոր բանակի զինվորների հետ, մոլանոն գրգռիչ կոչերով ոտքի ելած մահմեդական մոլեռանդ ամբոնը հաղթահարվում է հայերի վրա: Վերջիններս դիմում են ինքնապաշտպանության:

30 ՀՀ ՊԿՊԱ, ֆ. 56, ց. 5, գ. 85, ք. 131—132.

31 Генерал армян и Османской империи, с. 94.

32 ՀՀ ՊԿՊԱ, ֆ. 56, ց. 5, գ. 85, ք. 131—132.

33 Նույն տեղում:

Արյունալի կռիվները տևում են 10 օր: Քաղաքի հայաբնակ թաղերը վերածվում են ավերակների: Կողոպտվում է հայերի ունեցվածքը, փոստովում ավելի քան 2800 հայ: Կոստորաժից հետո սկսվում են ձերբակալությունները: Ձերբակալվում և խարբերվի բանտն են նետվում 105 հայեր: 1895 թ. նոյեմբերի 28-ին քուրդ և թուրք հրոսակները հարձակվում են Զիլեի հայաբնակ թաղերի վրա, թալանում են հայերին պատկանող խանութները, կրպակները, արհեստանոցները, հրդեհում բնակելի տներն ու առևտրական շինությունները, կոստորում 184 հայ: 1896 թ. ջարդեր են կազմակերպվում Նիկսարում: Քաղաքի հայերը, ենթարկվելով հրոսակների անակնկալ հարձակմանը, կորցնում են իրենց ունեցվածքը, տալիս են ավերի քան 150 մարդկային զոհ: Նույն ժամանակամիջոցում նման հարձակում է կատարվում նաև Գաբու Ազըզը գյուղի վրա, որի հայ բնակչության մի մասը ոչնչացվում է, իսկ մյուսներն ապաստանում են վեռներում կամ իրենց կյանքը փրկում մահմեդականություն ընդունելով³⁴:

1897 թ. մարտին, ջարդի նոր ալիք է բարձրանում Թաթատում. Կոստորվում են բազմաթիվ հայեր, որոնց թվում նաև հոգևորականներ: Կատարված ջարդի առիթով Սվազից այստեղ է գալիս կառավարության ներկայացուցիչ, անգլիական ու ռուսական հյուպատոսներից և հայոց հոգևոր առաջնորդից կազմված քննիչ հանձնաժողովը: Հայերի հետ ձերբակալվում են նաև թուրքեր: Հանձնաժողովի նյութերի հիման վրա թուրքական դատարանը, առաջին անգամ ջարդերի ընթացքում, պատժում է մի քանի թուրքի և աքսորում Տրիպոլի: Սա ազդում է թուրք ու քուրդ հրոսակների վրա և նրանց ստիպում հետ կանգնել հետագա ջարդերից: Շատ լզոհեր են տալիս և նյութական կորուստներ կրում Թաթատի շրջանի հայաբնակ գյուղերը: Կեսարիայում 1895 թ. նոյեմբերի 18-ին սկսվում է հայերի փոստորածը: Տեսնելով, որ հայերը նախապատրաստվել են ինքնապաշտպանության, ջարդարարները հրաժարվում են ապխտագործների և Պաղընի պաշտի թաղերի վրա հարձակվելուց: Հրոսակներին համառորեն էին դիմագրում «Փամպուկ» արհեստանոցի 60 հայ կոշկակարները: Սակայն հրոսակները, ստանալով կանոնավոր բանակի զինվորների օգնությունը, ընկճում են հայերի դիմադրությունը և բոլորին սրի քաշում:

Ջարդերը ծավալվում են նաև Կիլիկիայի հայաբնակ վայրերում: 1895 թ. նոյեմբերի 4-ին թուրքերը սկսում են Այնթապի հայերի ջարդը: Դազա-Ալթրի 50—60 հայ ոսկերիչների խանութներն ու արհեստանոցներն ամբողջովին կողոպտվում են, սրի են քաշվում զրանցում փղած հայերը: Կողոպուտն ու ավերումը քաղաքի հայաբնակ թաղերում կրկնվում է հաջորդ օրը: Զոհվում է 300 մարդ, կողոպտվում են խանութներ, վրապակներ, արհեստանոցներ, թալանվում է 500 բնակարան, հրդեհվում է 9 տուն³⁵:

Թուրքական իշխանությունները ջարդեր են կազմակերպում նաև Մարաշում: Ամեն տեսակի զենքով զինված ջարդարարները հարձակվում են հայերին պատկանող բնակարանների վրա, ավերում ու թալանում են ամբողջ գույքը, անխնա փոստորում բնակիչներին: Առաջին հարձակման ժամանակ կոստորվում են 150 հայ: Մեծ ջարդը տեղի է ունենում նոյեմբերի 18-ին, առաջինից երկու շաբաթ հետո: Զինվորներն ու ոստիկանությունը, թուրք խուժանի հետ, ամբողջ օրը թալանում են հայերի ունեցվածքը, կոստորում 970 հայ: Ջարդը դադար է առնում միայն հաջորդ օրը: Դրանից հետո սկսվում են ձերբակալությունները. բանտ է նետվում մոտ 200 մարդ, որոնք հարցաքննության ժամանակ ենթարկվում են ծանր խոշտանգումների: Ուրֆայում (որի 65000 բնակիչներից 20000-ը հայեր էին) հայերը ջարդի են ենթարկվում երկու անգամ՝ հոկտեմբերի 28—29-ին և դեկտեմբերի 28—29-ին: Թուրք հրոսակներն ու ոստիկանությունը կողոպտում են հայերին պատկա-

³⁴ Նույն տեղում, թ. 131:

³⁵ АВІР, ф. «Канцелярія», д. 3433, л. 7—14, 22 ԳԳԱ, ֆ. 56, ց. 5, ք. 72, թ. 22 --23:

նող խանութները և 190 բնակարան: Արգելվում է պարենի մուտքը քաղաքի հայաբնակ թաղ, կտրվում է վապն արտաքին աշխարհի հետ: Այդ վիճակը շարունակվում է երկու ամիս: Երկրորդ կոտորածի ընթացքում զոհերի թիվը հասնում է 8000-ի, նյութական կորուստը՝ 200000 թուրքական ոսկու, մահմեդական է դառնում մոտ 500 հայ, 12 հայ իբրև «հանցագործ» արքայազն է Տրիպոլի³⁶, Զարդեր են կազմակերպվում նաև Կիրիկիայի հայաբնակ այլ վայրերում:

1890-ական թվականների շարդերի ժամանակ արևմտահայերի ինքնապաշտպանական մարտերի շարքում իր հատուկ տեղն ունի Դյուրթ-Յուլի (Զոք-Մարզվան) հայերի հերոսական կռիվը վանոնավոր բանակի զորաջոկատների, ոստիկանության և թուրք ու չերքեզ հրոսակների դեմ: Թուրքական իշխանությունների դրդմամբ 1895 թ. հոկտեմբերին չերքեզ ու թուրք մարդասպանները հարձակվել էին Օճազլու և Յոզերլու գյուղերի վրա, հրդեհել հայերի ունեցվածքը, ոչնչացրել շատերին: Տեսնելով, որ դիմադրությունն անօգուտ է, հայերը նահանջում են դեպի Զոք-Մարզվան: Հրոսակները թալանում են գյուղացիների ունեցվածքը և ավերում տները: Դրանք խրատում են ինքնապաշտպանական կանոնավոր բանակի ավելի քան 5000-անոց ջոկատի կողմից³⁷, 1895 թ. հոկտեմբերի 31-ին թշնամին փուռն բազմությամբ (2000 մարդ) հյոսախառն կողմից գրոհում է Զոք-Մարզվանի վրա: Կոպում թուրքական ուժերը պարտություն են կրում և նահանջում: Հաջորդ հարձակումը թուրք հրոսակների փառնիճաղանջ ամբոխը կատարում է քաղաքի արևմտյան կողմից: Այս անգամ ևս պարտվում է ու նահանջում: Հաղթական արս կռիվներում, ինչպես մատնանշված է «Հնչակի» 1895 թ. դեկտեմբերի 1-ի համարում, հերոսի անուն են վաստակում Մկրտիչ և Արիստակես Պալյանները, Համբարձում Ռուբինյանը, Խաչատուր Գույումջյանը և ուրիշներ:

Նոյեմբերի սկզբներին 1700 թուրք ու չերքեզ հրոսակներ նոր հարձակում են ձեռնարկում Զոք-Մարզվանի վրա: Կռիվները տևում են երեք օր³⁸, Հաղթանակը դարձյալ տոնում են հայերը: Դրանից հետո Անտիոքի կուսակալը Զոք-Մարզվանի վրա է շարժում 400 զինվորից բաղկացած մի նոր ջոկատ: Այի բեյի գլխավորությամբ, որը, միանալով տեղում եղած 1000 զինվորի հետ, նախապատրաստվում է գրոհել հայերի վրա: 1895 թ. նոյեմբերի 6-ին թուրք թեքը վերջնապես է ներկայացնում հայերին, որի մեջ գրված էր. «Վաղը, ժամը 3-ին (ցերեկվա—Կ. Թ.), եթե չհանձնեք ձեր բոլոր զենքերը, թնդանքները լալված ու պատրաստ պիտի բոլորովին ոչնչացնեմ ձեզ և ձեր բնակարանները»³⁹, Քաղաքի բնակչության մի փոքր մասը, վախի ազդեցությամբ տակ, համաձայնում է դրան: Մնացածները ջոկատներ կազմած շարունակում են կռիվը: Նրանք դուրս են գալիս քաղաքից և քարձրանում լեռները, քաղաքը թողնելով թշնամուն⁴⁰:

1895—1897 թթ. հայկական ջարդերը, որոնք սկսվել էին Տրապիզոնից՝ տարածվում են Գյումուշխանե, Բաբեղո, Երզնկա, Դերջան, Կարին, Բասեն, Կամախ, Քղի, Բալաղետ, Արճեշ, Աղջավաղ, Վան, Շատախ, Կարճկան, Խիզան, Բիթլիս, Մուշ, Սասուն, Սղերդ, Սամառն, Ամասիա, Մարզվան, Եվդոկիա, Սեբաստիա, Նիկոպոլիս, Զիլե, Կեսարիա, Խարբերդ, Բալու, Ակն, Արաբկիր, Հաճն, Մարաշ, Մելիտինե, Ադանա, Տարսոն, Մերսին, Դյուրթ-Յուլ, Այնթափ, Խսկենգերուն և Անտիոք քանակավայրերում: Այդ ջարդերը թուրքական պետության կազմակերպած և թուրք ու քուրդ հրոսակների և վանոնավոր բանակի զինվորների միջոցով իրականացված առաջին զանգվածային ցեղասպանության փորձն էր: Այդ ընթացքում, ինչպես հաղորդում են նվրո-

³⁶ АВТР, ф. «Канцелярия», д. 3433, л. 7—24, 22 9494, ф. 56, г. 72, р. 22.

³⁷ Հնչակ, 1. II, 1. 12. 1895.

³⁸ Նույն տեղում:

³⁹ Նույն տեղում, 31. I. 1896.

⁴⁰ Նույն տեղում:

պական պետությունների դեսպանների և հյուպատոսների՝ պահպանված զեկուցագրերը, ժամանակի հայ և օտարերկրյա մամուլը, զոհվում է ավելի քան 300000 հայ, խանգարվում է արևմտահայերի բնական աճի ընթացքը: Կոմկաս, Ռուսաստան, Պարսկաստան, Բալկանյան երկրներ, Ֆրանսիա, Անգլիա, Ամերիկայի զանազան երկրներ, Եգիպտոս և այլուր գաղթում են ավելի քան 290000 արևմտահայեր, որոնք նոր գաղթօջախներ են հիմնում Եգիպտոսում, Բուլղարիայում, Ռումինիայում, Ամերիկայի մի շարք երկրներում և այլուր: Ջարդի տարիներին ամբողջովին կամ կիսով չափ կողոպտվում ու ավերվում է 8000 հայաբնակ գյուղ, տակնուվրա է արվում 50000 տուն, առևանգվում են տասնյակ հազարավոր կանայք ու աղջիկներ, որբանում են ավելի քան 100000 երեխաներ, կրոնափոխ են լինում շատերը, մոտ 100000 մարդ դառնում է հաշմանդամ, հազարավոր ընտանիքներ մնում են առանց գոյովթյան միջոցների⁴¹: Ջարդերի հետևանքով խափանվում է հայկական ձեռներեցությունը. համարյա ամբողջ առևտուրը, փխավորապես Անատոլիայում, անցնում է թուրքերի ձեռքը: Թուրքական գավառային բուրժուազիան հիմնականում ձեավորվում է 1895—1897 թթ. հայկական ջարդերից հետո՝ հայերից փախնած հարստությունների բազայի վրա: Ավելի է սաստկանում հայ բնակչության ազգային ու սոցիալական ճնշումը: Ջարդերի, հալածանքների ու հարստահարումների ծանր հարված են հասցնում Արևմտյան Հայաստանի արտադրողական ուժերին, քայքայում են նրա էկոնոմիկան, կրկնում ստեղծում տնտեսական ու քաղաքական ծանր ու անտանելի վիճակ:

ИЗ ИСТОРИИ ПОГРОМОВ И САОООБОРОНИТЕЛЬНЫХ БОЕВ ЗАПАДНЫХ АРМЯН В 1890 х ГОДАХ

К. 3. ТАРОЯН

Р е з ю м е

С начала 1890 гг. султанское правительство Турции провозгласило массовые погромы армян государственной политикой и в соответствии с идеологией панисламизма приступило к ее осуществлению. Расстрел мирной демонстрации армян в Константинополе в сентябре 1895 г. и резня тысяч невинных людей с помощью регулярной армии, к чему почти равнодушно отнеслись европейские государства, были восприняты как единственное и легкое средство уничтожения армян. Массовая резня армян была организована в Трапезунде (Трабзон) и затем распространилась на Западную Армению и местности Османской империи с армянским населением. Это было первой попыткой массового геноцида армян, организованного турецким государством и осуществленного при помощи турецких и курдских погромщиков и солдат регулярной армии, жертвой которого стали более 300 тысяч армян. В результате был нарушен процесс естественного роста западных армян, в другие страны вынуждены были переселиться 290 тысяч спасшихся армян. За годы погромов полностью и частично было разграблено и разрушено 8 тысяч армянских сел, 50 тысяч домов, угнаны десятки тысяч женщин и девушек, осиротели более 100 тысяч детей, около 100 тысяч стали калеками, тысячи семей остались без средств к существованию. Погромы, притеснения и угнетение нанесли тяжелый удар по производительным силам Западной Армении, подорвали ее экономику, создали в стране тяжкое и невыносимое экономическое и политическое положение.

⁴¹ Ի. Օրմանյան, Ազգապատում, մաս երրորդ, Երևանում, 1927, էջ 5031: